



PREZIDÉNSIA
KONSELLU
MINISTRUS
VIII GOVERNUN KONSTITUSIONÁL



Gabinete
Porta-Voz

KOMUNIKADU IMPRENSA

Timor-Leste no Indonézia hala'ó Reuniaun Esploratória ida kona-ba Fronteiras Marítimas

Repúblika Demokrátika Timor-Leste no Repúblika Indonézia hala'ó Reuniaun Esploratória ida kona-ba Delimitasaun Fronteiras Marítimas iha Bali husi 10-11 Dezembru 2018.

Timor-Leste nia delegasaun Xefe Negosiador S.E. Kay Rala Xanana Gusmão mak lidera. Delegasaun Indonézia nian Damos Dumoli Agusman, Diretor Jeral ba Asuntus Jurídikus no Tratadus Internasionais, Ministériu Negósius Estranjeirus, mak lidera.

Nasaun rua ne'e hasoru malu ho espíritu kooperasaun hodi haré ba kestaun tékniku no administrativu ne'ebé importante.

Xefe Negosiador S.E. Kay Rala Xanana Gusmão hateten “hafoin ita nia Tratadu Fronteira Marítima ho Austrália ne'ebé susesu, reuniaun iha Bali ne'e hakat importante ida hodi hahú negosiasaun formal kona-ba ita nia fronteiras marítimas ho Indonézia.”

Reuniaun Esploratória ne'e tuir fali kedas ho Konsultas Oficiais Senior (SOC) dahaat kona-ba Fronteiras Terrestres entre nasaun rua ne'e, ne'ebé hala'ó iha Dili, iha 13-14 Dezembru 2018.

Governu nia portavoz, Agio Perreira, hateten “Reuniaun Esploratória iha Indonézia ne'e produtivu tebes no fó ton pozitivu ida ba delimitasaun fronteiras marítimas ho Indonézia tuir Nasoens Unidas nia Konvensaun kona-ba Lei Tasi nian no lei internacional.” **Remata**



Palácio do Governo,
Avenida Presidente Nicolau Lobato,
Dili, Timor-Leste